

# Kanada Kitchi Gimaa naang bigidnaa'naawaa Niizhing Mdaaswaag shi Niishtana shi Nswi 2023 *Dagwaagi Kshkewziwin Dibaajmoowin*

***Miigwe maaba Kitchi Gimaa naang Kshkewziwin naawkinigewin wii zhitood  
ezoong'gaabwimgag kshkewziwin kina wiya ge nokiimgadnig.***

Bashkoodin Giizis 21, 2023

Ottawa, Ontario

Zhoonyaa Enji

Min'zhaand'jigaadeg Kanada

Nango, maaba getchi shpigaabwid, Chrystia Freeland, Kitchi Gimaa Enkiitwaad, Miinwaa maaba getchi shpigaabwid, Zhoonyaa Eminzhaandang gii wiind'maa'ge'wag maanda *Niizhing Mdaaswaag shi Niishtana shi Nswi Biboongag 2023 Digwaagi Kshkewziwin Dibaajmoowin*, miinwaa dash ooshmi yaa'bi zhich'gewag wii aas'gaab'wi'toowaad niwe now'go'wing ezhgaabwidjig miinwaa wii baawkinamwaad niibina wiigwaaman, miinwaa we'wiib.

Kitchi Gimaa nang kshkewziwin naawkinigewin zhitoon ezoongang kshkewziwin kina wiya ge nokiimgadnig miinwaa nokiwinan Kina Daa bemaadziidjig ge pen'mand'mo'waad. Nokiimgad dash go maanda naaknigewin.

Ooshmi go Ngodwaag shi mdaaswaaching, shi mdaaswaaching, shi mdaaswaaching Kina Daa bemaadziidjig nokiwwag nango piidash wiigwa jiiwbaw mibdeg kitchi aawkziwin. Gii m'bang'deg ge kina gegoo bi niis'bi'de, ezhi diba'moowin ge wiya geshkam go ni giik'se, miinwaa gonda enchike'gaab'widjig Kshkewziwin debaam'dang'gig nendmoog Kina Daa da zhii'baa'bizo maanda kitchi nigaaazwin niibina gaa kidwaad wii zhiwe'bag.

Zhinda dash maanda kitchi giik'seg mzoowe ezhi aanke'seg zhoonyaa, Kina Daa bemaadziidjig moozh'too'naa'waa mem'dige go wii giizh pina'doong maa'ge wii daawn'geng wiyaa wii daad. Mii dash waa zhi tkwetming, zhinda *Niizhing Mdaaswaag shi Niishtana shi Nswi Biboongag (2023) Digwaagi Kshkewziwin Dibaajmoowin*, ginoowaabdaan niizh niwe ezhi maan'enj'gem'gag'kin.

Ntam maaba Kitchi Gimaa wii aabjitaa wii aas'gaab'wi'to'waad Kanada bemaadzinjin maanda pii aapiji kina gegoo nzaam shpang'deg miinwaa daawng'geng waadang engendeg wiiw'ni'nen'daa'god. Maanpii dash waa shki zhich'geng di'bizh'gew'winan ge naad'maa'gemgag mena gonaa ji nang'deg'ba miinwaa ji de kshkit'chigaa'degba gegoo, miinwaa wii naad'moo'windwaa Kina Daa bemaadziidjig endaa'at meznam'moo'waad, Kitchi Gimaa naang wii zoongi tko'kii wii naad'moo'waad Kina Daa bemaad'zinjin. Na'ye go zhinda dgosin, Kina Daa bemaadziidjig wii yaam'waad zhawen'diiwin maanda pii kitchi baawk'gin'deg zhoonyaa daawng'geng. Maanda dash wii zhiwebag, *Niizhing Mdaaswaag shi Niishtana shi Nswi Biboongag 2023 Dagwaagi Kshkewziwin Dibaajmoowin* wiindmaagemgad shki Kanada Mortgage Charter temgad, wiindmaagemgag weweni ge zhi naadmoo'win'dwaa Kina Daa bemaadziidjig zhiwe zhoonyaagamigoong giishpin kitchi minezwaad.



Eko niizhing, Kitchi Gimaa naang wii giik'naan dan'kii'win ooshmi wii zhige'yaad, wiigwaaman, we wiip, miinwaa ooshmi ji wenpangendegban. Maanda dash ginoowaabdaming zhaazhi Kitchi Gimaanaang zhaazhi gaa zhichged, maanpii *Niizhing Mdaaswaag shi Niishtana shi Nswi Biboongag (2023) Digwaagi Kshkewziiwin Dibaajmoowin* wii mook'naan owe wii bigid'nang kitchi niibina zhoonyaa aawang minig mndaaswaag ching nibina nching wii zhigeng nji, miinwaa we wiip, bekish wii nsoo'doo'waat wen'big daang goji, miinwaa dash naa bemaadzidjig we waankii'end'moo'waad, miinwaa ooshmi ji yaa'aad ezhige'jig mzoowe aking. Nango dash mii wii aanke'si'doo'waad Kitchi Gimaa naang wii mzoo'we naad'maa'get maanpii akiing wii de kshkitmaang naa wii diba'ming endaang.

Maanda Kitchi Gimaa naang Kshkewziiwin naawknigewin waankii'endaagod, miinwaa waabdaan Kina Daa mi yaad memaanji dba'saag mzi'na'ge'win miinwaa kina gegoo engendenig zhiwe ga'ye Kina Daa wiid'bing'get gonda aanind kitchi gimaa naang noonch goji. Kitchi gimaa naang go yaabi wii doo'dam zhinda *Niizhing Mdaaswaag shi Niishtana shi Nswi Biboongag (2023) Digwaagi Kshkewziiwin Dibaajmoowin* wii zhaab'wi'dood Kina Daa wii mina gaabwid – miinwaa wii aabiji temgag waazhi aankesdoong waa ni zhi mina maa'jiish'kaa'aat Kina Daa bemaadzidjig, wii mshkoo'gaab'wiind'waa now'goo'wing enj'gaab'widjig, miinwaa wii mshkoo'toong kshke'zii'win kina wiya ge nakiim'gad'nig.

Maanda dash wii mshkoo tkokiim'gag Kitchi Gimaa naang dankii'win wii aankes'dood Kina Daa kshkewziiwin waa ni miseg miinwaa ooshmi wii kshkit'chigeng, Kitchi Gimaa naang go ga'ye wii miig'wen shka'ye ge zhi maawn'ji'chi'geng ba giishpin go ntam gaab'wing wii nsood'jigaa'de dash maanda Kitchi gimaa'naang go nin ji besha giizhgadoon mii dash ji gii'zhii'taamgag Niizhing mdaaswaag shi niishtana shi niwin biboong 2024.

## **Kidwin**

“Maanda kshkewziiwin naawkinigewin aawan wii zhitoong emshkooziimgag kshkewziiwin kina wiya ge nokiimgadnig, miidash maanda *Digwaagi Kshkewziiwin Dibaajmoowin* ge aawang miinwaa waa zhaab'wiw'doo'waang. Wii ginoo'waam'mang'gwa go giiwe now'goo'ying ezhgaab'widjig miinwaa ooshmi wii zhitoong wiigwaaman, we wiip ge, mi owe enji zhich'ge'aang maanda megwaa Kanada bemaadzidjig mek'wend'moo'waat –miinwaa go nga aabji'taami wii nokii'toongwaa bemaadzidjig mzoowe akiing”.

- *Kitchi Twaaw Yaa, Chrystia Freeland, Kitchi Gimaa naang Eko Niizhing Eszhgaabwid miinwaa Kitchi Gimaa Naang Zhoonyaa Emin'zhaandang*

## **Wewiip Wii Kenjgaadeg Gegoo:**

Kanada Kshkewziiwin Naawkinigewin nokiimgad:

- Kanada E'aangzhes'gog maanda eko niizhtana shi beshig giis'sa'gog aapiji go noon'daash gbi mi yaa'mi nango piidash wiigo yaabi pii gimaa'kaan gaa bi temgag. Osshmi go Ngodwaag shi mdaaswaaching, shi mdaaswaaching, shi mdaaswaaching nango nokii'wag pii dash wiigwa jiiwbua mibdeg maanda kitchi aawkziwin.
- Ezhi dba'mowin ge wiya gii giik'semgad maanda eshkwa zhaangswewe giizis minig gaa bi miseg.
- Maanda go mzoowe akiing endji dbaamjigaadeg zhoonyaa miigwewin nendmoog Kina Daa jiwii mshkoo'gaabwid ezhi kshkew'ziiwaad dgo'gaabwid ga'ye zhiwe aanind wiijgaabwit'waad mzoowe Kitchi Gimaaan G7 aanike biboon.
- [Kida ga'ye OECD](#), maanda zhaazhi aabta ntam biboongag, Kanada gii debnaan wii nsing zhigaabwid mzoowe akiing zgaknang zhoonyaa miinwaa memaanji kitchi dbamooyin endsa bebezhig wiya piidash wiigo niwe yaabi noonch akiing G7.

## **Related links**

- [2023 Daqwaagi Kshkewziiwin Dibaajmoowin](#)
- [2023 Diqwaagi Kshkewziiwin Dibaajmoowin: Ezhi Dibizh'ming](#)
- [Shkwe'aang Dibaajmoowin: Kanada Zhige'win Naawkinigewin](#)
- [Shkwe'aang Dibaajmoowin: Aasgaabwitoondwaa Nowgoowing eyaadjig](#)
- [Shkwe'aang Dibaajmoowin: Naadmoondwaa Enkiitaagejig miinwaa Kanada Wii Mshkoo'gaab'wi'yaat wii Kshkewzii'waad](#)

## **Ge gnoondiba**

### **Waawiindmaagejig Enkamgak:**

Katherine Cuplinskas  
Press Secretary and Senior Communications Advisor  
Office of the Deputy Prime Minister and Minister of Finance  
[Katherine.Cuplinskas@fin.gc.ca](mailto:Katherine.Cuplinskas@fin.gc.ca)

Media Relations  
Department of Finance Canada  
[mediare@fin.gc.ca](mailto:mediare@fin.gc.ca)  
613-369-4000

### **General enquiries**

Phone: 1-833-712-2292  
TTY: 613-369-3230  
E-mail: [financepublic-financepublique@fin.gc.ca](mailto:financepublic-financepublique@fin.gc.ca)